



衍以干指感君德無間言念幼育於外氏迨長  
不忘外氏恩其爲諸舅氏執禮甚恭帝以身與

其家難而於表兄沈子新相交愛若同袍子新

無嗣乞後君季子君始難之而不忍違卒許之

子新婦又抱育他姓女君承其志擇配鰥嫁厚

資之婦翁早世迎養其外姑竟歿不衰蓋君性

敦本近仁故自其持身及家無間內外親黨歸

於厚人以爲難第行如君者於獵取科第以

階顯榮宜不難致而乃屢誦畿試無能一吐曾

崇蘭館集 卷之十九 四十六 三原三

中之竒自見於世而命殞中年此士林所爲太

息也君生正德戊辰四月十九日距卒享年僅

五十云配何氏子男五長如山府庠生娶陳濟

女次如阜亦庠生娶許從善女次其心卽所後

沈子新者次如岡聘司訓王志喬女次其陵聘

鄉進士顧學仁女女一適邑庠生史筆孫女一

尚幼 銘曰維士樹行若彼力農是穉是袞厥

有歲豐歲則是豐士也固窮回以仁天毅以禍

終不云耕也餒在其中行脩報薄命職其逢

命

塘之封世澤所鍾不於其躬子孫其逢

封太孺人盛母宋氏墓誌銘

余弱冠時嘗過其友今侍御定宇宋君第白砂里里有著姓爲贈文林郎南城兵馬副指揮西洲盛公其配太孺人侍御祖姑也時西洲公亦飯余每供具輒精腆余問所從侍御因具言太孺人內助賢甚悉踰今且三十年而太孺人卒子鶴慶府通判際時卜以某年月日葬太孺人  
之原合西洲公墓奉侍御狀來乞銘余

既雅聞太孺人壺懿而又因鶴慶君之賢徵母道焉乃不辭而敘之曰太孺人姓宋氏父廷用母凌氏其歸西洲公也會姑蚤世事繼姑陳孝養脩至是時翁悅耕公總家政太孺人實相西洲公恆其業比至析產則勸公義讓諸昆而務薄取以成孝友名然獨佐以勤儉一金尺帛非公命不專業用滋裕中歲無子爲公置側室顧氏生際時周氏生明時躬勤鞠育無異所生稍長勉以務學親師厚爲館穀夜或篝燈伴讀熟

辛粟淪茗飲佐之煦煦相勞苦嘗病目幾矇不  
廢也以故際時噐蚤成恂恂執禮有大雅之風  
尋職金吾擢今官卽未竟所就而名行蒸蒸視  
制科起家已足相埒僉謂西洲公義方之教則  
然而不知慈範之有助也太孺人旣以鶴慶君  
貴受今封稍謝家政屬產二子顧氏有女厚  
貲以歸晚推羨羸贍宗卹隣賑窮賙急專務施  
德類不惜貲以故屬續之日行道悲歌里巷不  
向非感德深至能然乎太孺人生弘治壬子四  
月十七日距卒嘉靖乙丑七月念四日享年七  
十有四子男二長卽際時娶孫氏次明時娶陳  
氏女一適秦子其孫男一世臣孫女一銘曰  
婦道無成乃亦有終無成無遂繫惟夫從有終  
有度生貶寵封兼斯二者宜懿聞之無窮

明故處士濱桂路君墓誌銘

路生琦以問業從余遊嘗道其父濱桂君之懿  
行義樵樸誠長者君歿而琦卜以歲癸丑十二  
月十二日葬君運鹽河祖塋之次奉余友張子

月鹿狀來乞名余雅聞君名而復介于余友義  
惡能辭按狀君諱昭字永宣別號濱桂先世爲  
汴梁人宋建炎間曰忠者授職華亭因占籍上  
海家焉其地今名路家匯路華橋沿君姓也曾  
祖璵祖某父忻號隱軒娶陳氏實生君君少孤  
獨奉母訓從師講藝駸駸有成而困於徭役弗竟  
迺天資醇篤率性師心每與道合事母陳孝常  
所與遊多學士雅馴持家勤約稍盈於貲念惟  
老氏厚亡之戒好爲義推賑窮乏伯兄某仲兄  
某相繼歿兄子曰壤曰球君皆子字之教督以  
成從兄晟無嗣歿爲棺殮姊歸曹氏妹歸石氏  
兩家咸以鄉賦長廢著賴公代償其逋先娶於  
陶病卒外氏式微君割田爲贍繼娶姚迎養姚  
母厚其終亦如之里人周蓮汀衛湘於君世好  
貧爲營室歿卹其孤隣家有美田便君所請鬻  
者助而遣之曰乘人之急而利其有吾不爲也  
以故里中義君俗歸於厚有不平者得君居間  
無不解紛君病或爲禱祠願以身代臨其喪極

哀悼焉君生成化七月十六日卒嘉靖癸丑三月十七日享年六十有三子男一卽琦爲博士弟子員娶太學生潘君某女女三長歸進士澗松唐公孫郡庠生昌德次歸郡庠生朱君某仲子允賢少歸新昌令劉君某季子文起嗟夫余觀濱桂君之懿行所可知者類若尠德細事罔裨於大閑而令閭巷之達終身慕義無窮於風化移易有足述者若斯之倫而身隱名湮俗將安倣余誠懼焉故於君特誌之而又爲銘之曰

崇蘭舒集

卷之十九

五十一

頁五

德施者龐璞全者昌靡翁弗張爾後有亢靈原永藏

故浙江按察司知事王屋張公墓誌銘

吾郡有張玄超先生者騰聲藝林紳裾誦義之日久矣其歿也無識不識莫不相訃歛歔傷其哲萎有典刑之思焉而公之孫孝廉君篤孝緒緒懼世德寢湮而又痛父九韶君早卒弗及爲公闡揚休懿乃雪涕余謁奉太史唐元徵氏狀請銘以余與公雅相善能知公也余惡能辭叙

之曰公諱之象字月鹿一字玄起別號王屋先  
世有鐵一者自嚴陵徙上海之龍華里家焉由  
鐵一而下七世爲餘姚令杰八世爲萊州府同  
知地及公大父湖廣布政司叅議萱九世爲公  
考順天府通判文洲公鳴謙及從父博野令鳴  
岐淵源名閥簪冕蟬聯鬱然盛矣而公少負穎  
異父文洲公及母李宜人絕憐之謂元張氏者  
必公也而公固曠覽不群於一切蟬蛻世榮意  
殊易之而竟諸生及卒業國子屢試弗第乃慨  
然嘆曰命夫天遂不與張子能終窘張子不朽  
業不以勢而彰者乎自是下帷發憤專力治古  
務博總群籍囊括百氏勒成一家言與海內士  
別建旗鼓而馳斯誠備矣迨其潛神積思久而  
神詣時發之詩若文其詩爾雅冲澹興寄寥遠  
有魏晉風其文閎深奧衍出入東西京不作晚  
近語及若緩頰盱衡攷據前聞剖析疑義雖當  
世宿學皆自以爲不如卽單辭片楮傳之好事  
人無不視若拱璧爭購爲竒此公平生建豎之

較著者洵足不朽矣而以蹶弛不訾省困遊稍  
從祿仕爲浙之藩幕非其好也當是時諸監司  
大吏率視偉公折節相下不欲煩以簿書而公  
亦因得時乘休暇幅巾竹杖駕一舸嘯歌武林  
山水諸名勝區以吏隱自命無何會御史某者  
任苛政爲聲虐使公公不可遂以歲丁卯飄然  
杖筴歸歸而閉門却掃室常磬懸殊安之而期  
必竭其平生以竟所撰著或縱群籍几案間分  
日研討至不能布席對客嗒然班荆趺坐而已

晚歲卜築秀林山麓其地多恠石危泉烟扉月  
榭叢竹茂林因公而勝者公自是益屏跡城市  
有司以賓飲強之纔一往即謝卻不再所著書  
有剪綵翔鴻聽鶯避暑題橋倚蘭擊轅佩劍林  
棲隱僊秀林新草諸集所輯有詩學指南韻苑  
連珠韻學統宗楚語楚範楚林楚翼賦林七萃  
太史史例史記發微新舊註塩鐵論唐雅回文  
類聚詩紀類林等編駁不勝紀其所交與盡寓  
內贄豪若先輩金陵顧中丞華玉吳中蔡翰林



九達文翰林徵仲王太學履吉皆公所嚴事而金陵許太常仲貽吾鄉徐奉化伯臣何翰林元朗何祠部叔毗董太學子元朱太學邦憲吳興茅憲副順甫濟南馮憲副汝言東粵甌工部楨伯黎秘書惟敬輩以雄文高調埴麓一時無不推轂公爲交譽者四明豐翰林存禮天才豪宕意少許可誦公詩擊節稱善久之武林方憲副思道邂逅公太學廡舍未明聞語異之及晏溫識面驩然定交古歛許相公維楨聞公名時其

入都造焉公未起直叩其榻前一見語合握手如平生其爲諸名流所雅慕如此公素貌侵偃僂若不勝衣而禠身處家動遵古訓嘗憤流俗諛附熖熱反傳咸意著叩頭蟲賦以見志又憤後雋稱詩者多謬古而師今爲談藝篇以規之居常評騭臧否耿耿不阿曾不少假唇吻於暴豪之徒而遇士臭味偶同卽虛懷延譽不置里中有不平事慷慨扶義直之不得則或終夜咄咄忘寐族人以貧故有鬻其女豪家者傾囊訟

于官必歸之乃已何翰林遺孤反噬於黥奴出身力援卒置奴於理所知董子元以才不祿匍匐臨之哭失聲聞者感悼此又公篤於交誼之大端也先是巡撫陳公我渡廉公行誼爲白其無妄而檄有司以學行俱優扁其門巡按邢公知吾行部至松高其義數存之里巷爲置買山錢若干比卒之前一年上洋顏令君議脩邑誌而難其人禮聘公公時已寢疾而令君意益虔公乃力疾徃再閱月而書成其紀載博雅義例

精詳一時目之實錄而公自是亦不起若有待以畢志云公卒之歲爲萬曆丁亥正月朔距生正德丁卯十二月十二日享年八十有一配唐氏墓在望湖涇之原葬卜是年四月二日將啟唐孺人之窀合焉子七人女五人孫男十四人孫女九人曾孫男三人曾孫女三人並英特婉順而其長嗣雲門元孫齊顏俱領鄉薦他奮起膠庠振厥家聲者濟濟未艾也諸名字嫁娶具見太史狀中不著嗟夫公以宏才博雅望重一

時其於稍自抑貶以諧世好豈必後人而曾不能徼再命榮建石畫於當世及弱冠操觚要之白首而又不能一奏公車之牘來掌故之求志誠悼矣然當舉世方務夸矜勢能之榮而獨以鴻文鉅藻放辭瓊琚爲藝林望冷與覲然懷尺組岌塵冠而遊者一得相當卽公考妣所稱能亢其宗以錫羨來裔者於取數爲孰多當有能辨之者余論次其可知爲誌而系之銘曰

器無恒量玉毀瓦存木托而茂蠅附而奔卓彼

崇蘭館集

卷之九

五五

明懿貴匪位尊學窮玄指思入妙門既咀其華亦尋厥根縱橫騷雅按羅典墳掩藻先士垂型後昆栖遲衡宇含和葆淳其文霧隱其變泥蟠勒銘幽宅永賁泉原

故文林郎郟城縣知縣墨江陳公墓誌銘

郟城令墨江陳公歸卒於寢者十越月其子大

廷大道卜日治葬御史涇祖瑩之次而奉龕給

諫方川先生之狀來請銘曰傷哉孤先子之瞿

瞿平生也而號不加顯懼惟是窳窳之事

願附一言於先生俾永之余慨焉憶公諸生時  
交也不辭而叙曰公生少負穎異垂髫能屬文  
授經先達宋大叅樗菴先生雅見賞識尋補博  
士弟子員督學使者閩習齋丘公人倫之鑒辛  
卯閱士至郡時余與公異庠而試並選首受餼  
因定交公益精詣繼宵晝不懈英聲駿發郡太  
守長沙熊軫峯良器公而措其困遊也爲寘畝  
卹若干資之學既成丙午序當貢公憫其次者  
某幾耄也讓之又明年戊申乃始入貢京師例

可得博士而鄉長老徐太師時典大宗伯署諸  
生之宜咨送選部者視偉公誠忍勿小就必強  
入畿試試果捷順天巳酉鄉薦公誦斯義蓋沒  
齒云然乃復數竒數對策弗第公撫然曰丈夫  
生弗逢世無寧徼一命榮以穎見而溪壑齷終  
轅下駒爲遂謁選得郟城令郟故凋瘵上注泐  
不耕多流亡公屬其父老問民所苦招徠之課  
之墾闢竟成沃壤民知樂生先是徭稅無法民  
無所約質公顰畫一令戶各給牒而與之明稍

沿江南之故民爭輸納便之有論城且贖錢不  
備嚴月械繫者公憐之不竟責以他羨爲代償  
多所全活黥生某者殺妻以誣其友賄而具獄  
公廉得實按其罪遠近稱神俠少年有微逐鷹  
犬驚六博結客報睚眦者橫甚里中側目而獨  
事母以孝聞公偵其然猝逮至庭數其罪箠掠  
具楚衆意俠少且死公忽呵止曰若惡稔矣而  
猶知有母若心未死也余念仇季智之寬陳元  
卒爲善士脫貫若以活若母將無悔禍耶俠少

涕泗被面碎首謝至不能出語遂釋之後果改  
行焉僚幕王子耀素愿坐浮言失上官指下之  
獄幾寘于法公察其寃爭之力得免有郵吏持  
金爲公壽者辭曰例也公叱而麾之嘆曰誰與  
墨者之以賄例也而吏猶口實耶鞭之出自是  
苞苴弊絕公庭肅然盖公蒞邑者僅踰年而諸  
部使者旌賢之檄無慮一數下總憲衡水傳公  
方疏其名以聞而公忽引疾解綬歸矣歸之日  
士民遮道留之若離襁褓迄今爲俎豆云公脩

容白晢性開朗無媿阿論事輒中窾不骫於是  
非然仁而愛人雅務約節數致羸數推以調窮  
乏性至孝送往事居咸度於禮歲時必懸二尊  
人像哭之哀膺年猶未舉子子字兩甥教養恩  
倍竟歿不衰迨踰強仕始舉大廷絕憐之凡計  
偕北上者四必攜與俱曰舐犢老懷聊復爾爾  
本之大廷之噐夙成而公竟有子者蓋漸漬所  
從來也公自懸車來十二年所而林居無他好  
惟日縱觀圖史集古方書自娛鍵關息游無高  
門縣簿之謁有司延致鄉飲謝不能赴曰王禕  
王殘病人安敢顛越大禮公之淳謹可觀已公  
諱志元字三卿先世出晉潁川陳大丘裔五世  
祖徙汴勝國時始徙華亭曾大父曰樂善樂善  
生敬菴敬菴生怡桂配盛氏爲公考妣公生正  
德辛未三月二十六日卒萬曆壬午正月十三  
日春秋七十有二娶孫氏側室袁氏有男子二  
人長卽大廷國子生孫出娶馮氏廷尉南江孫  
女次大道袁出聘何氏司隸詡齋女孫男一尚

幼孫女五長受汀州守季雁山孫應泰聘次受  
潮州守俞新宇子聘蚤卒次受比部張萼湖孫  
序愿聘次未字次受漳州守陸自齋子萬舉聘  
俱大廷出夫公振微起約席世資而拓之好行  
其德且也仕卑而志伸不難引退有可念者矣  
系之銘曰

弱齒醜竒譽髦斯匹摘藻離  
席玠待碎晚上  
公車分圭被檄邴生薄遊周任陳力追賦歸來  
徜徉泉石散帙投閑巾車御疾綏履考終寔茲

崇蘭館集

卷之十九

五十九

玄宅爾後有亢振振奕奕我銘詔之俾未憑翼  
勅封孺人徐氏墓誌銘

孺人姓徐氏世爲華亭脩竹鄉人大理寺左評  
事漸川董君元配故河南道監察御史南湖徐  
公女以評事君貴得封孺人云初御史公娶  
葉氏生孺人幼敏慧有至性御史公儒貧時孺  
人辟處圭竇雅乏傳姆之訓宗婣文物之觀而  
風閑內則以淑女聞間窺御史公課藝文多所  
懸解因通於孝經列女傳諸篇善伺父母起居

食息委順其意御史公鍾愛之念必得佳婿乃  
字而嘗與評事君父靜軒先生以學行齒膠庠  
間相友善因視偉評事君於穉齡欲得爲館甥  
未幾御史公成已丑進士出宰峽江且行數過  
靜軒先生申前盟評事君乃就婚於徐而御史  
公嚴之重客數戒孺人以善事夫子且曰得婿  
若董生當不後人矣孺人守結褵之訓夙夜敬  
恭拮据婦事以佐評事君於學歲時遣人起居  
靜軒先生伺煖寒進脩灑有常先生悅而安之

曰真董氏婦也庚子評事君試南畿會御史公  
使閔道江上得君所試藝讀之躍然曰吾不意  
別子有頃而探詣至此乎請遺之二謙以識更  
未聽鹿鳴也語聞孺人俄而果兆報至孺人報  
然顧左右云榮進固有命乃獨不負家大人物  
色差足慰耳君有間靜軒先生春秋高而御史  
公諱子且儻然矣孺人一日謂評事君曰君有  
子職妾無能佐以蘋蘩報君父事吾兩尊人德  
也婦道謂何而令翁側終無問寢食者乎評事



君曰諾固吾志也孺人遂請於御史公隨評事  
君歸得奉靜軒先生養益虔而躬操井臼絕無  
貴家風其諸細大量劑盈縮之節織絰絲采之  
務蒸嘗脯監醪醴之需必餼必精而靜軒公病  
且卒一切藥餌棺斂諸費倒篋力營有評事君  
所不戒者其待宗戚有禮御戚獲惠且嚴能得  
其力孺人惟浣衣澹食如約時而益拓其家以  
大用是評事君既屢上春官不第者五謁選授  
歸德推官以孺人從孺人在歸德持內蕭然日  
進蔬水至門擊拆爲盤孟隔垣以輸僮奴母得  
相授受推官職讞理每退食孺人時問所决獄  
狀輒諷以矜恤無深文即評事君奉牒訊他郡  
訟及視所部邑篆數往返亦如之以故評事君  
得專職業治以最聞屢騰薦剡戊辰恭遇

上建

東朝覃恩中外應令格孺人是以封迨

評事君拜今官孺人念父母老矣弗果從而評  
事君且倦遊官大理不三月謝病歸尋致其事  
方與孺人計安於壑爲偕老期而御史公葉孺

人相繼邁疾孺人委家政往侍湯藥竟弗起痛  
之幾絕嘆曰天乎奚甫匝歲而奪吾兩親之速  
耶自是抱愴鬱鬱不甘寧食者久之亦病卒爲  
隆慶壬申八月十有二日也距生正德甲戌四  
月六日享年五十有九云子男二長傳緒府學  
生娶翁氏信豐知縣豫堂翁君女後孺人六年  
夫婦俱天次元順娶陸氏禮部尚書平泉陸公  
女二子皆側室徐氏出也先是評事君艱胤嗣  
孺人有隱憂聚內外族黨之子若女教育之長  
崇蘭館集

卷之九

六十二

婚嫁之去而厚資之者一數輩既而曰吾所爲  
此凡以廣慈鞠寄目睫娛爾千百年而遙爲董  
宗一綫計脫未就而殞目且不瞑矣乃始禮配  
徐氏入室連舉子而孺人顧復之不啻已出人  
尤以爲難評事君既卜萬曆庚辰十二月十有  
三日葬孺人南錢豎羅涇祖塋之次而率子元  
願奉張憲長受所先生狀來拜且泣屬余墓中  
文蓋評事君嘗爲余語悼亡之戚良厚因詳其  
內言及見傳緒博學高才爲造物者忌切傷之

而今元願迄俊朗振起未艾能世其家然後知  
天之既定而孺人於董祚有大造焉宜誌而銘  
之銘曰

謂孝必婦兮而孝女多有之謂賢必配兮而賢  
莫如母慈兼茲四美兮曾是以爲無儀雲爲車  
兮霓爲裳仙之媛兮逝徜徉墓木拱兮靈永藏  
錫繁胤兮俾無疆

明故大學生源泉唐公墓誌銘

公卒子咨若等奉鄉進士杜君咨若之姻家也於知

宗蘭銘佳

卷之十六

六十三

內子為公弟之女而杜君咨若之姻家也於知  
公習等爾予惡敢以不文辭迺按狀而誌之曰  
中將仕即貴一廬從南渡居白砂里入 國朝  
族以繁五世祖璟生王玉生壩以子禎貴贈駕  
部主事壩生祚授七品散官祚生太學生僕娶  
戴氏繼楊氏是生公公自少端重寡言矢敦士  
行弱冠事經義補博士弟子應例卒業太學會  
考妣繼逝重惟並存迺 徹葉供喪葬潔治滌滌

克承燕貽考歿時年異母叔弟繼別季弟少  
孤女弟在室咸倚重公而公爲均產寧居教養  
貲送振孤營葬曲盡其情至族兄弟子姓之賢  
才愛勉有加嘗自以衣冠世裔夙夜砥礪其子  
彬彬庠序間攻文循矩矱公得端居約  
須發不墜其家聲蓋翹然鄉丈人之賢  
者無畦町不能俯仰人晚被誣橫窘撫  
百端竟以主雪然公自是抱快快殆矣垂歿以  
敦睦成名爲子孫囑戒作佛事曾不及平生感  
崇蘭館集卷十九

六十四

憤之言其襟度夷曠識大體如是公享年六十  
有五配李氏禮部郎中宜散公女子三咨若邑  
庠生娶蘇氏御史一齋公女咨禹邑庠生娶顧  
氏州判顧真女李出咨益娶吳氏儼谿女側室  
顧出孫九汝謙娶錢氏汝誼聘李氏汝讓汝諒  
汝訥俱咨若出汝諤聘顧氏汝詢俱咨禹出汝  
慧汝智俱咨益出孫女八長適庠生杜宗翹即  
鄉進士時騰子次受庠生張震伯子重宣聘餘  
幼子惟公生朴茂推訥與世無競固自其性然

至於收族厚倫承家啓後咸中矩則此非嘗學問知禮義之助弗能也唐氏以右族稱海上簪纓藉藉未艾如公所繁以倍養元脉篤祐宗枋者其功可少哉是宜銘銘曰用以拙藏慶由善積世變滋多作德恒逸碩人鞏固信銘徵石

贈承德郎禮部主客司主事菊泉方公太

安人錢氏墓表

贈承德郎禮部主客司主事菊泉方公太安人

錢氏今奉勅巡撫南畿都察院都御史雙

崇蘭館集

卷之九

五

江君某之考妣也主客公歿二十年矣而太安人又先公十四年歿既皆有名公誌銘及是都御史君宦旣達方氏益有聞泝德考源慶流綿邈都御史君念不可無述也乃具狀自系世滋蕃及事軼宜著者加詳屬余表諸墓道而以厚祿之弗迫有餘悼焉夫都御史君於追遠厚矣余惡敢辭按狀主客公諱某字某別號菊泉其先嚴陵人後徙杭之錢塘始祖某

高皇帝時徵明經以試賦爲選首聲籍甚數傳

而至公之祖某授新城醫學訓科因家新城而  
公考綠坡公某爲邑弟子員以學行聞與弟鄉  
進士浦季父鄉進士銓相頡頏爲名高竟弗第  
由歲貢歷邵武建寧學官娶吳氏生子某某並  
邑庠生繼娶孫氏實生公而公生十歲喪妣建  
寧公憐之重督楚用弗克竟於儒乃其志耿耿  
彌兢不墜其家聲兩兄賴以卒業建寧公卒於  
官匍匐走二千里迎櫬歸葬事繼妣邵氏以孝  
聞雅好讀祖方書聞從異人指授醫竒中有能  
名造者踵接然乃未嘗責報或聞之故曰吾家  
世儒籍今能潤飾其業所施惠直此耶今於藝  
至淺鮮卽幸有濟且媿無以得當敢望報乎聞  
者知公長者而公平生爲行近厚率自其性然  
人以故德之曰是後將大出已而課子都御史  
君學果成舉嘉靖二十年省試辛丑第進士里  
中相慶曰天道於公章矣都御史君初授南康  
府推官謁公別公誠曰汝旣仕任職則無忘吾  
所命名矣天曰推理所議文罔其極慘苛漢循

吏傳可念也都御史君載拜受命居南康政有聲旣二載迎養公至未幾公疾作且革會都御史君奉檄召喜曰兒勉之爲吏以治行徵能用吾教矣吾可以暝遂卒是爲嘉靖乙巳七月念一日詎生成化辛丑十一月六日享年六十有五越七年辛亥用都御史君考禮部主客司署員外郎事主事滿得勅贈如其子官而太安人贈如今稱太安人者邑著姓錢公倫女有內則年十五歸主客公卽閑婦道善事繼姑邵

崇蘭館集

卷之十九

李七

三三

能當其意主客公兄弟五人皆異母而太安人中調之用成公孝友名人亦因以謂太安女丈夫言能爲人所難也太安人生弘治壬子正月十二日卒嘉靖壬辰十月十三日年纔四十有一云初主客公娶羅氏卒無出繼乃娶太安人生子男三長卽都御史君次例貢生某女一適某孫男七曰某某某某其曰墳基並邑第子曰城尚幼夫余不識主客公而嘗從都御史君同官祠部察其志行固迨然下之迨君出守吾

弭亂寧民功施保障又數年以巡撫至疇咨大計尤軫民瘼思造我東南卽於都御史君未究施用本其義方慈訓之所從來爲國家誕哲育材以資緩急功誰與歸而主客公承儒裔累葉憤志弗克所爲孳孳務積仁樹德以亢厥世由今觀之不亦允顯哉不亦允顯哉余故爲表將就其里金芝山之阡揭示來者俾永有攷云

明故廣西太平府知府貞石吳公墓表

廣西太平府知府貞石吳公歿其子瀛孫之麟

崇蘭館集

卷之十九

卒人

一

謂余雅知公以墓道之文屬余喟然而嘆爲槩公平生表之曰夫世衰道喪士行卑卑若貞石公所謂直躬好義傲儻自喜雅不羈俗者非耶公諱梁字伯材別號貞石先世由閩之崇安徙居華亭至公考竹坡贈刑部郎中母李氏贈宜人

人生公公自少食貧苦志弱冠爲諸生客余外家余從外家識公已益習當是時郡中同遊若莊子玄育包子元達元愛及公兄子子信等咸以茂才望於鄉而余亦濫竽其間率莫不推



公籍甚有司目之異倫而公方抱冲襟務挹損  
退然常有以自下至閉門課藝博綜窮搜視其  
曹功獨倍之諸號穎捷者不及也歲乙未應選  
貢入都舉順天鄉試高等譽益起公始訝然自  
信有長鶩遠馭心遍交海內之雋即諸海內之  
雋所居鄉一切謠俗汗隆山川委隩人才名物  
之盛衰好問孳孳語必更僕務通于當世之故  
見諸施行而公之才局且一變矣及久蹶禮闈  
憤弗試曰吾卒困于此無以自見乎乃謁選天  
官授邵武推理爲推理則恪恭任事知無不爲  
慨然以功名自許所從臺憲臣糾察吏治鉏梗  
植良諸畫策語詳各薦剡中而議軍興芟劇寇  
卻賂遺三事尤著會課最陞刑部主事晉員外  
郎郎中用諳於律令持法平同舍郎推公老成  
爭避席而部尚書甚任之遇大獄疑弗決者輒  
屬公訊有金吾巨姓者橫抵法介於要璫爲居  
間恚不能得之於公嗾群璫伺公入朝薄而辱  
之幾及公決背前以兩手持兩璫者欲訟言

上前大譟璫股栗獸散而公法竟不爲撓凡公  
蒞官卓犖風猷可紀者類是而才局又一變矣  
及若太平之遷當途者嘗書抵公勸駕或因以  
謂當途誠愛公才乃其故有不可知者而公第  
不受牢籠蒞郡甫三月毅然抗疏歸葺舊廬  
海上日親圖史覽先代治亂興亡之跡及彙宋  
儒理學格言成帙日誦討焉曰斯吾假年寡過  
心也公與人交不設城府不侵然諾常直舉胸  
臆示人無隱而惡曲謹苛節咕躡附耳之容恤  
人之私効忠告款款遇有以過告者初若搯腕  
不能降而退常服義或加以非禮身當之不避  
斧鑕而趨人之急若飈逝之不留常以力穡起  
家至歐窶稍羸輒捐以布惠憫病涉者所築橋  
梁並張溪屬之金山凡二十所嘗曰士固不當  
事機利計影徽若商賈之爲彼椎懦無庸甘長  
貧而稿者齷齪侏儒子也吾耻之因斯以言當  
公食貧未遇時恂恂儒雅初若無竒及養辯蔽  
勇之久如刃發於型以用其所不足則乃進不

隱賢退不降志烈烈慕豪舉如是夫人才局於  
治淺深之致詎有量哉語稱居養移人公惡謂  
是無亦其自少至老籍友朋嘗學問所繇變化  
氣質之符耶行年八十有七而綽約如嬰兒無  
疾而終或疑其僂遊嗟公即不僂要爲達生委  
化晚而趣道之深當有進於昔者英爽蘧不疑

故南京禮

祠祭司郎中大壑先生碑銘

君諱良傳

題

高皇帝時自君高祖志清君諱清者出贅柘林

崇蘭館集

卷十九

七十一

李氏家焉子孫碩蕃遂爲里著姓至君考靜軒  
君孝生子三人長良佐光祿寺署丞仲良俊南  
京翰林院孔目其季君也君鍾英茂喬騰聲穉  
齡敏獻夙成餘力該綜擇賢處友志期立言童  
時補博士弟子員邑令永豐雙江聶公奇之召  
置門下風勵諸生總角應畿試弱冠拔貢京師  
建康東橋顧公關中西玄馬公忘年定交爭相  
延譽庚子領鄉薦辛丑舉進士分宜介溪嚴公  
在禮部知舉案署及君喜曰是吳下兄弟知名

者干將鑿鋤其一至矣當是時君寔與仲內翰  
君才名等埒先後察孝廉哲軌齊驅英標競爽  
羣公賞識仲必與焉以故所至籍甚稱二何云  
君筮仕行人司行人兩使宗藩式禮不辱擢刑  
部主事以儒飾吏讞獄多平乞改南京禮部儀  
制司主事陞祠祭司郎中恪守章程劂靡振敝  
故祠祭所隸動關勢家君欲裁之而大吏沮撓  
弗竟其志乃喟然興嘆鑿周任陳力之戒高邠  
生薄遊之節抗疏陳乞投綬言歸時年四十有  
七通都大夫下至閭里徒御咸庶稱難謂古鮮  
儷此君出處之概也議者或以行人多官禁近  
而君獨郎曹仕宦率貴京朝而君投閒散務進  
者白首郎署而君不終日遂疑窮通所值迺忤  
於時而本其恬澹寡營寔成於性故能脫彘榮  
名甘心嘉遜飲食宴樂薄取世資假麴蘖以寄  
沉冥託二氏以逃名跡君之雅致可觀於斯矣  
年五十有四疾終正寢相知交計感涕山陽之  
學哀辭傷其哲萎相與謀曰君行誼雅馴韻宇

夷曠去機率性不伎不求已諾必信見義能果  
總其素履德不踰閑而乃仕弗究施年靡躋壽  
胤子未樹述造多逸所不朽者允惟今名匪藉  
鐫辭曷彰潛耀乃碑而銘之曰 猗與何君義  
問奕奕或出或處知玄守默其行規園其躬矢  
直坦坦君子履道終吉云何昊天愍莫是奠旣  
厄其遭復褫其魄謂缺者全於理則惑曷以詔  
來我銘玄石

